



Te taata 'toa', e ere te Ta-
vana e te haava, otei hi-
naaro i te hoo hooia o te
enei vaa, aitu mai ia e
a farane no na avae efora.

Eiaa mai ia Tepito te ne-
rei paraa Papeete.

TE VEA NO TAHITI.

Ei haaparare raa i te parau rii api e faataa hia i to
le mau fema'i roto i te Hau Tamaru; e neia i te mau maha maha toa.

O te feia hoo toa, e te mau
taata e haapo; i te taata
raa toa, e tii ta ia nerei
aoti hia ta raa toa mau pa-
raa faate i roto i teienei
vaa, ia afaa mai ratou
i farane no te rehi hoo.

Faao mai ia Tepito te ne-
rei paraa.

PARAU FAAITE I TE MAU HAAVA.

Te faate hia 'tu' nei te mau haava mateinaa
toa i Tahiti e i Moorea, e na faatia papu to te
Apoo raa, e ua haamana hoi te Auvaha o te
Repupirita e te Auvaha ra o Paraita, i te ture no
te papai raa i te mau parau atoa :

1^o No te faaipoipo raa.

2^o No te fanau raa.

3^o No te pohe raa i roto i te puta tau.

Ua tou roa hia hoi taua ohipa ra i roto i te ri-
ma o te mau haava.

No te mea ra e, ua haapao hia te hoo hooia
mau, e e na reira te papai i taua mau parau atoa
ra, e no te tia raa hoi, e ia titiafaro roa te papai
raa, ia ore roa te parau hape e te tia ore ia o
mai i roto, i faaue hia 'tu' ai te mau haava mata-
einaa 'toa' i Tahiti, Taiarapu, e Moorea, e e
haere mai i Papeete nei, i na mahana mai te i o
eperera e tae noa 'tu' i te 3 o taua avae ra, ia
haapii maite hia ratou e ia maramarama toa i nia
i taua ohipa rahi i tu hia 'tu' i nia ia ratou ra.

I ore hoi i na reira hia ra, e mahere ia te pea-
pea, e te ino rahi i te tupu mai, no roto i te
maua, e te ite ore o te haava i nia i taua ohipa
ra. I teienei ra, e haapao mailai iho te mau ha-
va, e e haere mai i Papeete nei i taua na mahana
i faate hia 'tu' nei e tia 'u'.

Eiaha roa 'tu' ratou e otobe noa 'e' i nia i te
mai, e te peaepa i tera mea, e i tera mea, e ha-
ere paatoa mai ra i Papeete nei e tia.

PARAU I TOE NO TE APOO RAA I TE MAHANA TORU.
17 no Maiti i 1852.

M. Loubère. E mau parau iti ta 'u' no te parau
a Toetoe i nao mai nei 'e', e Tiae e taero oina, e
ere te taero ava. » Haamanao mailai iho 'ra' outou
e, tahi a huri te taero oina e te taero ava, e
eita hoi te taata e ui hia 'tu' i te mea i taero oina
e hio noa hia ra, e ua taero ra, ua hara ia.
Ara-ra i na iriti ture nei, aita ia ta 'u' e parau ia
ratou, fei ia outou iho ra te tapea mai, e aore ra,
te huri atu i rapae.

Auvaha o te Repupirita. E peu haama mau
a ta teienei tau iriti ture i te faataero haere noa
raa. I nanahi hoi, a ui hia 'tu' te ui raa rahi tuha
raa *Re*, na haere te hoo o taua mau iriti ture nei,
e ua tamata i te faa o taua iho i roto i te fare; e
ia tapea hia mai oia e te faehau, tamata 'tura' oia
i te tute e atu iana. E vahi ino, rahi te reira,
e ohipa tiai ta te faehau, e ahiri oia i hingaari i te
rave ino i taua iriti ture ra, eita roa 'tu' oia e taea

noa hia tu e te ture. Ua ite hoi te mau iriti ture,
e e feia haamoa hia ratou, e no reira 'tura' paha
ratou i rave ai i teienei mau peu ino haama. I
tou nei ra manao, e mea tia roa ia, ia tuu hia
teienei feia i rapae au i te Apoo' raa no te hoo
taime huri roa. Ua na reira toa mai hoi te parau
a Mare.

Faatia roa maira to te Apoo raa e e tui raa
i taua feia ra i rapae, e faore i te toroa iriti tu-
re, e tuu atu hoi i roto i te rima o te haava.

Tah. Ua faaue atura i te Papenoo' Tautira, e
Teahupoo, e e maiti faahou, i te iriti ture api ei
mono i na taata i faore hiane. E ua faatia 'toa'
mai hoi Nuutere, e e mea tia ia na reira.

Taatauru. Aita roa 'tu' e taata i Papenoo, e
au ia maiti hia ei iriti ture. E mea tia toa ra paha
ia haere hua Ori i reira maiti ai. E aita, e faata
ra, e vaiho paha ia, e ia tao i te matahiti i mua
nei, maiti ai.

Fanane. Eita e tia ia na reira, te parau maira
hoi te ture e, « Ei reira ra maiti ai, » eita tura
hoi ia e tia ia haamaoro.

Ote. I to 'u' nei manao, o Tematahiapo ia te
taata e au ia maiti hia ei iriti ture no Teahupoo,
ei mono ia Faarahia, o tei faore hia aenei te
toroa.

M. Loubère. Aita te ture i parau mai e, na te
tavara e te tohifu e maiti i te iriti ture, na te
hui-raatira ra o te mateinaa.

Faatia 'tura' to te Apoo raa 'toa', e e vaiho;
i te maiti i mua nei maiti atu ai i te iriti ture api.
Rave iho ra to te Apoo raa i te ohipa i haapao
hia no teie mahana, oia hoi te ture a Taatauru,
no te aulau raa i te moni na te feia iriti ture.

Ote. Ua taio mai oia i taua ture ra, na te
faate mai i to te Apoo raa e, eita roa 'tu' taua
ture ra e au i tona manao. Na te hui-raatira hoi
te iriti ture i maiti, e eita 'tura' e tia ia ratou
mau 'tu' i te tarahu i nia i te Arii vahine e te
Hau. Ua na reira 'toa' hoi te parau a Nuutere.

Toetoe. I to 'u' nei manao, ei tarahu atoa ia ta
te iriti ture, e faariro idana mai te haava 'toa' te
huru. E tarahu hoi ta te haava, ei moni toroa
'toa' ia 'ta' te iriti ture e tia.

Arahu. E parau tahito tena na outou e te feia
iriti ture ua, te ani raa e te titau raa i te moni
toroa. I to 'u' nei ra manao, eita roa 'tu' ia e noaia
ia outou; e e mea tia ia ore roa 'tu' hoi ta outou
na ani raa. A tamata na ra outou i te amo i tera
ra pahi manua, i manaa tei reira ia outou ra, e
noaia 'toa' ia ta outou e ani nei. Teie ra te mea

